

徐州府志卷之二十三

列女下

豐縣

金

莫材與女名貞賢年十八值金末兵亂羣盜入其家
貞賢知不免與其妹俱投井死有司厚葬之仍奏
其事旌曰雙烈

戴氏公孫去病妻戴元世之女也既嫁久而無子謂
其夫曰妾不才得奉巾櫛歷年無嗣禮有七出願
受訣夫不聽進曰福莫大於昌後禍莫大於絕嗣
君不忍見遣當更廣室夫又不聽夫死服除父母
欲嫁之氏遂操刀割耳鼻誓死守執義以終郡表
其里

明

黃甲妻薛氏豐縣人甲從軍死氏年十九而貧或勸
之改醮卽厲色拒之時公姑俱八十餘氏績紡以
供朝夕泊卒復竭力爲殮葬粗糲自甘以完節終
詔旌表

劉志明妻吳氏年十九夫亡鞠遺腹子名臣比長爲
援例入監力能持家先業浸拓乃置義田義塾以

成夫志隆慶中旌表

李天瑞妻渠氏年二十六夫歿撫子錡至成立壽九十二萬歷中旌表

裴補袞妻常氏袞應試南畿殞於寶應常撫孤國祚奉事舅姑節孝兼著詔旌其門

董珣妻王氏豐縣人年二十夫亡伶仃孤苦紡績易粟以食撫孤長成詔旌其門

史氏戴某妻明經史芬女也歸戴數年而寡以苦節見稱年四十九卒其兄可傳作誄以表之

李晟妻周氏笄年適晟未幾晟歿周卽自經家人覺

徐州府志

卷二十三

列女

二

豐

之不遂尋投於河又拯出之乃斷髮自誓撫伯氏子爲嗣以節終

洪笏妻張氏食貧孀居七十餘載齒墮再生壽百有

四歲

以上節婦

周詩妻李氏年十七詩歿不食七日長跪辭舅姑父母自經柩前有司奏表其門

以下烈婦

生員孫修妻王氏性貞靜事修甚恭修年少邁危疾王泣日子第往我卽相見於地下也修卒遂自經死

崔大節妻戴氏年十八大節卧病不能起戴自誓以

死殉遂不食及大節死戴亦死

孫來穀妻王氏穀以筆研積勞成瘵死王卽於是夜自經奉旨旌表

朱焜妻李氏徐州人李紹第女年十六歸焜焜病羸死李不食七日仍縊死

王嘉麒妻齊氏豐縣人夫亡自經

孫恕妻魏氏豐縣人被流寇執不屈見殺

劉澍妻馬氏單縣馬象乾女機警通文字適豐人劉澍澍尋歿遺孤梓襁褓中卽課督之稍長就外傳歸必叩所讀書壬午之變有逼之從者馬毅然曰

徐州府志

卷二十三

列女

三

豐

寧見殺遂遇害

孫紹遠妻韓氏年二十三歲夫亡不食三日解經白縊柩左

王守善妻李氏年十九歲夫亡六日不食自經死

張日華妻李氏金鄉李廷光之女日華病死李誓以身殉父兄勸諭之曰兒有死耳何多言爲焚香柩前從容自縊

鞏湯臣妻劉氏年十九夫亡號泣三日拜辭舅姑諸姒自縊柩側

李禎陽妻趙氏禎陽年十九病故趙卽日自經死

朱炳妻趙氏年十八夫病歿趙絕粒不食拜

及父母告以炳無嗣請從死舅姑父母皆泣涕

止終不可奪是夜自經柩側

李化龍妻韓氏父死自鬻殯葬畱其餘以養祖以孝

見稱後化龍病將絕韓謂曰妾當先死令君一見

遂闔戶自經化龍首肯歎息推已棺予之越一日

化龍始歿

武生孫繼忠妻周氏夫亡年二十七子六歲周誓死

同穴至葬令人寬其穴衆力止之因勸撫孤未幾

孤亦殤遂自縊

徐州府志

卷二十三

列女

四

豐

馬文章妻師氏夫亡師以其子女託族人自經柩旁

以上九人從邑志
補遺未詳年月

齊氏女齊來庭女許字卜息年十七未嫁萬歷三十

三年河決息溺女聞卽涕泗不食或有言客舟救

以去者乃稍自寬越歲知果死遂於息溺之日潛

置舄河干投水死詰朝浮水上面如生有司上其

事今建祠於邵庄鎮

烈女

本朝

張春母楊氏豐縣人年十八適春父生春居五載歲

荒饑甚夫曰一家待斃矣吾今抱子就食他方汝

我五年則嫁氏泣曰幸勿以妾爲念旣五年不歸舅姑親戚咸勸之嫁不從又強逼之氏不堪其苦乃潛出尋夫至濟寧州南米家莊忽心痛涕泗不能忍前至城中遇一少年貌類其子詢之卽春也於時母子相抱大哭問其夫已死數年矣命春引至夫墓所卽向心痛處也遂與其子負骸骨歸劉圻妻王氏豐縣人年二十二夫亡守志撫二歲孤成立孝事翁姑養葬盡禮壽至九十一歲

史以昭母單氏豐縣人年二十一夫亡遺腹一子卽以昭也冢極貧氏守節自甘撫孤成人娶婦孫氏

生孫以昭尋歿與媳共守遺孤至八十三而歿

程貞泰妻崔氏豐縣人年二十四夫亡事繼姑撫幼

子脩歷諸艱後姑目盲氏晝夜扶持者十二年

丁氏豐縣人年十七許字未嫁聞夫死欲奔喪母不

許遂墜樓傷臂及股乃送至夫家養姑守貞終身

馬氏豐縣人歸沛人孔某夫亡翁以氏年少恐未能

終守氏知其意尋死不得以手入烈火中燬其中

指守節數十年而終

史一爵妻楊氏豐縣人年二十二夫亡孝事翁姑撫

孤成立守節至八十四歲而終

史維珍妻陳氏豐縣人年十九犬亡守節事翁姑甚

孝邑令旌其門

劉吉士妻聶氏豐縣人年二十二夫亡紡織養舅姑

教子映藜為諸生亦以孝聞乾隆二年請旌以上

節婦

武生尹襄妻鹿氏性素嚴正榆園賊掠華山破村落

鹿語襄曰家破身危寧死不辱移時賊入室鹿延

頸就刃罵賊死邑志載諸節烈於前明交際時不詳年月不分朝代今據其序述中

畧可考者意為區別未必悉合也

史一起妻王氏廩生王德明女夫亡氏守一女適孫

徐州府志

卷二十三

列女

六

豐

壯猷方歸寧值榆園寇夜陷城王偕女出避與賊

遇母女俱投水死

張修德妻齊氏夫死止遺二女齊哀毀甚公姑知其

欲死解之曰二女在若弗恤乎氏曰女非男比他

日不能終吾事何隱忍苟活為月餘防稍疎自經

於柩側

生員仇世芳妻李氏諸生李銓女世芳病故李年二

十二止一女殮夫畢遂登樓自經

黨鳴璽妻蕭氏鳴璽病故氏告翁姑曰婦無子宜死

但翁姑年老又無伯叔姑緩死以奉養可乎翁姑

佯許之潛與其父母謀擇配事既諧氏聞之聲色不動自澣其衣被鄰里以爲將待嫁竊笑之至期前一日投繯死

袁桓妻孟氏豐人寓沛之戚山于歸二年夫病歿其翁因桓兄弟相繼歿亡不令祔先人兆欲葬之義塚氏爭之不得不食求死舅姑防之甚周忽一日和顏告曰所以欲死者爲無子也得一姪爲後可以終事舅姑矣許之自是不復哭防稍疎入室自經翁姑悼之擇戚山之麓移桓合葬如氏初志

生員蔣賔王妾邵氏豐縣人賔王病故氏視殮畢入

徐州府志

卷二十三

列女

七

豐

室自經

生員張時逢妻李氏豐縣人夫歿氏欲死殉緣遺孤勉撫之未幾孤以痘亡氏縊於夫棺側

孫汝翼妻張氏豐縣人歸甫彌月夫病故氏遂縊死

柩前

卜丕勛妻孔氏豐縣人夫歿殮畢自經棺側時年十九

渠洙妻李氏豐縣人家貧夫病不起氏竭力奉事拮据百端及洙卒入室自縊面色如生幼女宛轉其側見者傷之

劉振鎔妻侯氏豐縣人夫亡自經

袁鈺妻孫氏豐縣人夫亡自經

王莘妻謝氏豐縣人莘病祈以身代及歿自經

劉桂妻王氏豐縣人桂歿母欲再嫁氏送夫喪臨穴
伏棺上自刺刃出於背而死時康熙十八年邑令
爲之立石

金荷生妻程氏豐縣人成婚三日而荷生卒氏年十
七一痛幾絕三日自經於棺側

董椿妻趙氏豐縣人魚臺貢生趙擢女夫歿誓以死
殉親黨嚴爲之防至半月偶得間遂自經死

徐州府志

卷二十三

列女

八

豐

生員劉在謀妻薛氏本儒家女能以禮義自閑在謀
病歿卽投繯死

董氏豐縣人歸魚臺古玉章夫亡自經

張白妻樊氏豐縣人年二十二生子八月夫亡氏號
泣不食欲以身殉姑以存嗣泣諭之強起越一歲
子能粒食遂潛自經

楊逢盛妻趙氏豐縣人夫病亟氏先密縫其衣及夫
歿自經死

劉大倫妻韓氏豐縣人夫亡無子自經死

王國瑞妻張氏豐縣人夫亡自經

高克良妻李氏豐縣人夫亡自經

以上烈婦

劉氏女幼許字季之梅年笄之梅避亂於外久不歸亦無音耗姑寄語劉氏令女他適女不從又數年遂往歸季操作紡績以奉其姑越十餘年人傳其夫已死尋姑亦亡劉號泣曰可矣於卧間結帶死

拔貢顧惟楫女豐縣人許字李鎰女素經史凡閱古人忠孝大節輒感泣及鎰卒女聞訃遂自經死蔣氏女豐縣人許字孫明新未嫁夫亡女聞訃自投樓下折左臂時方嚴寒斥去綿衣不食十日家人

徐州府志

卷二十三

列女

九

豐

勸之不從其姑至苦喻之乃輿歸姑家守貞二十餘年姑歿葬畢不食死

以上烈女

沛縣

漢

王陵母沛人高祖還擊項羽陵以兵屬漢項羽取陵母置軍中陵使至則東鄉坐陵母欲以招陵陵母既私送使者泣曰願爲老妾語陵善事漢王漢王長者毋以老妾故持二心妾以死送使者遂伏劍死

沛劉長卿妻桓氏同郡桓鸞女生一男五歲而長卿

卒妻防遠嫌疑不肯歸寧兒年十五又夭歿桓慮不免乃豫刑其耳以自誓宗婦相與愍之共謂曰若家殊無他意何貴義輕身之甚哉曰昔我先君五更學爲儒宗歷代不替男以忠孝顯女以貞順稱是以豫自刑剪以明我情沛相王吉上奏顯其門閭號曰行義桓婺縣邑有祀必膺焉

元

劉某妻王氏夫亡誓不他適天元二年旌表有石坊在北門外

明

徐州府志

卷二十三

列女

十

沛

李伯奴妻白氏父思明無子贅伯奴於家洪武中伯奴從征死於邊白年二十惟一女甫週誓不再適孝事父母歿竭力營葬簞衣糲食守節四十餘年宣德中旌表

生員馬繼立妻賀氏年十八于歸克盡婦道夫早亡無子而貧親族或勸之他適賀堅不從孀居五十二年有司表其閭

韓鼎妻王氏漢臺里人鼎病死子寅七歲王矢志撫孤寅長娶黃氏未幾寅亦死遺孤二黃上事寡姑下撫二孤皆成立

楊東萊妻曹氏東萊早歿子渠方數月曹鞠育成立
渠甫娶生一女又卒曹鞠女孫依伯氏東周夫婦
女孫又歿東周夫婦老且死氏晚年衣食多不給

晷無怨對

以上節婦

陳恕妻姜氏恕患腫疾姜日夕憂勞盡脫簪珥以佐
醫藥費踰年恕竟不起悲號五日不進水漿取恕
平日所束帶自縊死

張化龍妻胡氏歸未幾化龍病歿胡三日不食欲自
決家人守之甚密夜半守者稍倦遂自經

王嘉任妻張氏嘉任病歿張哭之慟誓不復生明日

徐州府志

卷二十三

列女

十一

沛

以所束麻繩自縊於夫傍

卓冠倫妻張氏千秋鄉人冠倫素患癩瘰張躬侍湯
藥願以身代冠倫死張卽自經

生員呂登瀛妻鄭氏登瀛病歿氏以死自誓母秦氏
防之嚴迨三日母倦睡氏沐浴更衣自經柩前

馮東魯妻張氏千秋鄉人幼適馮無子乞他人女養
之東魯病歿張於次日以宅地券紙付翁姑又以
所養女付其本生父母夜自縊死

新河役夫婦不知何許人夫本富家子流落不偶攜
婦就食四方嘉靖初盛應期開新河夫在募中會

夏大疫病死婦伏屍旁哭三日不食死有司義而
葬之

郝基隆妻周氏夫亡自縊家人救免翁姑慰曰與其
殉夫而死孰若撫孤而生無何孤又殤至夫葬期
夜焚香酌茶夫柩前縊死遂合葬

縫人妻女縫人不詳何許人業縫皮居夏鎮萬歷甲
午歲大歉縫人迫於饑謀鬻女於娼籍成約矣妻
女知之遂相携投池死女時年十四

以上
烈婦

張氏女漢臺里人張浩女年二十許字蔣政政卒女
聞慟哭幾絕欲往弔父母不可比葬欲往送又不
可遂自經死

徐州府志

卷二十三

列女

十二

沛

石氏女名景兒廣戚里人父隆早喪獨與母居年十
七許配張旺兒旺卒景聞之哀痛不已至夜自經
與旺合葬

陳氏女名季春千秋里人陳宣女性聰慧嘗讀孝經
列女傳通大義年十六許字里人甄時用時用病
亡季春入室書時用及已姓名置諸懷中自經死
遂與時用合葬焉

郭端女名青兒漢臺里人年十八許配里人王成一
日成與隣人競計欲自死詣郭氏求一相見女拒

之求至再三終不見成歸自經女聞痛咽不食欲
死母覺之防範甚嚴及成將葬欲往送喪父母不
許乃給母求麵羹母入厨卽自經死縣令率僚屬
往祭之遂與成合葬督學御史立石表其墓
袁經女漢臺里人性貞年十七未嘗出門闕正德六
年流賊掠沛境邑人皆走避經令女易男服雜衆
走女出門里許還顧父曰我爲女子不能貞信自
守易服偷生吾耻之俄而賊追將至見道傍有大
坑遂投身死

張文津女泗亭人許字宋奪先年十四奪先病故女

徐州府志

卷二十三

列女

十三

沛

聞哀泣欲奔喪父母不可遂自縊死閱數日殮顏
色如生崇禎六年旌表

以上
烈女

本朝

蔡堯揆妻張氏沛縣人年二十四夫亡事姑撫孤守

志五十年雍正四年 旌表

孟綿孫妻王氏年二十九夫亡氏誓以身殉姑諭止
之曰吾年老惟汝是依且汝有子女又遺腹將媿
義當撫孤氏泣受命紡織奉姑教子成立歷三十
三年卒雍正五年 旌表

生員王永茂妻郝氏年十五于歸一載夫亡守志四

十餘年乾隆五年 旌表

朱奕闕妻柴氏年二十四夫亡守節三十六年卒乾隆五年 旌表

燕瑞妻朱氏年二十一夫亡守節三十一年乾隆五年 旌表

郝倬妻朱氏年二十九夫亡守節二十九年乾隆五年 旌表
以上節婦

吳儀妻郭氏

王祺妻張氏

王錫珪妻蔣氏

徐州府志

卷二十三

列女

十四

沛

郝質瑜妻馮氏

以上四人見通志皆沛人
早寡完節未經旌表者

馮家爵妻徐氏沛人爵貧贅於徐氏未三月病歿氏哭極哀已而拉淚整容遙望夫家拜曰吾為馮氏婦未獲一事舅姑死有餘憾言訖自經於夫側

沈智妻孫氏沛人年二十四夫死無子止一女三歲自度年尚少人不能聽其守也闔戶自縊舅覺而救之開釋百端終無一言明日復縊死

郝修妻封氏沛縣人夫亡遺二子一女越歲餘俱殤氏哭奠夫柩自經死乾隆四年 旌表

蔡芳諫妻張氏沛人監生張于垣女嫁甫八月夫嬰

疾侍湯藥至三年未愈姑與叔又病氏兼視之尋
姑叔皆死盡出簪珥營辦喪事及夫亡殮畢盥櫛
易衣縊於棺側

王鈞妻王氏沛人鈞業儒多病氏侍藥餌八年不懈
歲己亥病稍愈應試於徐以積勞復發遂不起氏
焚香祈天願以身代及夫歿卽自經時年三十無
子邑人哀之

王玉衡妻祁氏夫病迎歸成禮氏日夜侍湯藥禱天
願代及歿次日乘間自經於屍旁雍正五年 旌
表

徐州府志

卷二十三

列女

十五

沛

左尚禮妻孟氏年二十八夫亡無子自經柩旁

王小報妻李氏有馮之儒調之羞憤自縊死乾隆元
年 旌表

庠生朱奕訥妻張氏夫因赴試覆舟溺死氏大哭不
食夫柩歸自經柩側事聞 旌表

張宗瑞妻王氏有劉廷乘醉欲污之氏力拒自經死
審擬請 旌以上烈婦

魏氏女名榮姐年十三惡少孟猫逼之不從自經死

雍正六年 旌表烈女

邳州

漢

嚴延年母東海下邳人延年爲河南太守用刑刻忍冬月論囚流血數里河南號曰屠伯母從東海來欲從延年臘到洛陽適見報囚母大驚便止都亭不肯入府延年出至都亭謁母母閉閤不見延年免冠頓首閤下良久乃見之因數責延年幸得脩郡守專治千里不聞仁愛教化有以全安愚民顧多刑殺欲以立威豈爲民父母意哉延年頓首謝自爲母御歸府舍母畢正臘謂延年天道神明人不可獨殺我不意當老見壯子被刑戮也行矣去

東海號曰萬石嚴嫗

元

匡才妻高氏邳州人才守邳因事出境賊乘虛破城氏被掠大罵不屈賊斫之仆地以爲已死遂去復蘇及才殉節撫孤國政嘗猝兵母子相失氏冒鋒鏑求之亂尸中幸而得全明洪武中旌表

明

李思義妻王氏年二十三夫亡子甫三歲舅病瘋癱

不起姑復病

舅姑撫孤成立

永樂十年

岑衡妻沈氏年

守節終身成化中旌表

王輅妻張氏年二

死守節嘉靖中旌表

尹富妻孫氏夫

撫孤守節六十餘年

生員展銳妻錢氏

無子有欲奪其志者氏剪髮

截耳苦節終身

里李可久妻楊氏劉禮妻惠

氏武弁妻周氏錢達妻某氏李秩妻某氏生員韓

釗妻季氏湯儀妻孫氏監生陳禹謨妻戴氏皆少

年守節歷數十載

以上節婦

徐州府志

卷二十三

列女

十七

邳

指揮湯瑀妻屠氏夫亡自縊景泰二年旌

泰運妻顧氏夫戍於京流賊入其家逼今供饌復欲

污之顧堅拒抓破其面罵賊被殺

杜氏女年十六爲賊所掠義不受辱投水死

許士俊妻陸氏夫爲流寇所殺氏赴水死

杜應魁妻萬氏爲賊所驅投水中賊從水挽出令更

新衣氏大罵不從被殺

張九鵬妻周氏寇至抱幼女赴水死

高建極妻夏氏不受寇辱投河死

索鷺飛妻宋氏夫爲寇所害氏視棺殮畢謂家人曰

吾將媿矣生男當守否則相從地下耳既而生女
遂自縊死

張浚明妻高氏夫亡自經嘉靖十二年旌表

展濬妻索氏孝養舅姑夫病歿遂自經死嘉靖十三

年旌表

張子道妻瞿氏夫亡不食死萬歷元年旌表

張啟勲二妾魏氏韓氏啟勲娶周氏蚤亡無子繼納

韓魏尋病歿二人相向號慟俟夫殮畢同日自經

郡守朱逸泓親祭之旌其門

以上烈婦

孫成女年十七因鄰人醉罵語言穢惡女羞忿以衣

徐州府志

卷二十三

列女

十八

邳

掩面投河死

烈女

本朝

周大柱妻薛氏夫亡家貧甚孀姑楊老病支離牀褥

十有餘年氏孝養不倦遺孤幼穉均教育有成康

熙十八年 旌表

夏來鳳妻戴氏明崇禎六年來鳳奉巡撫檄偵寇遇

害氏守志不二事姑郭甚孝後奉姑避寇走至河

干寇騎突至姑涉水賊發矢連射氏以身蔽姑臂

中二矢守節六十年康熙十八年 旌表

生員陳悌妻周氏廩生周世德女年十六于歸五載

夫歿值明季寇亂里井遠避氏獨守翁姑幼子不
去寇至露亦詰其故知爲節孝婦以米帛遺之并
戒黨羽毋得入其里人以爲孝感守節六十年至
八十一歲卒

王憲妻禚氏憲病歿禚年二十一生子紹先甫兩月
矢志撫孤後山賊掠邳禚避於樓上賊焚屋禚抱
子投樓下匿草間爲賊所得身被數刃昏絕於地
掠其子以去越三日子自賊中逃回相持大哭漸
進水漿得不死乃紡織自給教子讀書爲諸生有
司旌其門

徐州府志

卷二十三

列女

十九

邳

李永禎妻宋氏幼事母以孝聞嫁未半載夫亡無子
歸養孀母縞衣四十餘年

張啟聰繼妻宋氏夫亡守節教前妻四子及已二子
俱成名

薛震林妻王氏年二十二夫亡守遺腹子紡織養姑
歷六十餘年

生員王履晉妻宋氏夫病顛天願以身代隆冬誓衣
單三年及夫歿家貧勤紡績事姑教子歷三十八
年

張金麟妻王氏

吳天爵妻李氏

吳堪禧妻熊氏

吳增禧妻司氏

盧德育妻陳氏

州同戴滋妻陳氏

劉公謙妻石氏

姚廷瑄妻劉氏

姚廷昭妻周氏

吳伯仁妻姚氏

以上十人皆早寡守節
養親撫孤歷數十年

生員宋鎰妻潘氏夫早亡氏事姑孝撫子有成雍正

徐州府志

卷二十三

列女

二十

邳

二年 旌表

胡文英妻熊氏夫亡守節雍正二年 旌表

生員白其音妻戴氏早寡苦節終身雍正三年 旌

表

華文祥繼妻王氏

華宮秀妻劉氏

生員華宮美母王氏

以上三人俱以夫亡守節
終身雍正五年 旌表

衡士基妻董氏夫病割股夫亡謹事舅姑賢孝為鄉

里所重雍正十一年 旌表

衡士鑑妻曹氏夫亡舅衰老子病劇家貧無措氏鬻

奩資姑繼歿柩在堂湖水泛溢左右鄰悉乘桴而

出氏以身覆柩漂至高岸柩亦無恙雍正十一年

旌表

馮祖眷妻丁氏

張龍黻妻展氏

生員李大坊繼妻高氏

以上三人俱以夫亡守節終身雍正十一年旌表

許維安妻崔氏夫亡守節終身雍正十二年旌表

婁士強繼妻林氏鎮江人士強籍邳州雍正十三年

以早寡完節旌表

葛天宜妻吳氏

徐州府志

卷二十三

列女

二十一

邳

葛天振妻邵氏

王繪章妻周氏

以上三人俱以早寡完節雍正年旌表

王子韋妻馮氏

戴濟源妻張氏

薛挺秀妻花氏

周麟妻薛氏

周世翰妻賀氏

周倫妻張氏

楊冲妻朱氏

姚暲妻朱氏

韓炎妻湯氏

郭之瑾妻王氏

以上十人俱乾隆五年以夫亡守節終身旌表

湯聘尹妻王氏陸家疇社人嫁時年甫十七至二十

九夫亡遺孤萬鎧撫之成立娶族侄女為媳生孫

淳浩未幾萬鎧亦亡媳年二十五欲以身殉氏慰

之曰汝翁歿時我非不能死以汝夫故未可死也

今汝止知一死謝夫獨不念朽姑弱子將誰托乎

媳聞言感悟竭力事姑課二子竝為諸生一門雙

節乾隆六年旌表

周岫妻楊氏邳州人早寡守節乾隆六年請旌

徐州府志

卷二十三

列女

二十一

邳

王文作妻宋氏年二十七夫亡奉孀姑養葬盡禮教

子承烈成名年六十卒乾隆六年請旌

王相昇妻李氏睢寧人四會令李枝芳女年十七于

歸至二十九夫客死聞訃號慟幾絕復念親老子

幼已死無所依乃矢志守節艱苦備嘗歷五十四

年以壽終乾隆六年請旌

以上節婦

鄭瑞妻宋氏歸鄭一年夫病不起氏侍湯藥不懈夫

亡整衣閉戶自經

王在豐妻龔氏孝事孀姑在豐病劇氏禱神願以身

代及歿即自縊死時年二十二康熙十五年旌

表

張氏徐之呂梁人許字州人高華宗華宗病甚迎氏
歸成禮越三日而亡氏號慟誓死視夫殮畢乘間
自經康熙十九年 旌表

黃琰妻陳氏年十六于歸琰以勤學抱羸疾亡氏投
繯遇救越六日防稍懈遂閉門自經面如生康熙
二十六年 旌表

吳伯平妻高氏與張二比隣而居張矚伯平外出乘
夜潛往圖姦氏大呼二驚遁去夫歸泣 羞憤自
縊有司上其事治張二罪乾隆四年 旌表

徐州府志

卷二十三

列女

二十三

邳

周二妻劉氏有姚永逼姦不從被
生員朱天培妻陳氏夫亡守節有劫賊持刃逼之

屈被殺

以上
烈婦

婁士超女許字徐州李之馨聞夫亡泣告父母願送
喪葬畢母促之歸女曰苦畱此寡女何為 自

縊死

氏女許字夏瓊瓊亡聞訃自縊

王氏女拔妃許字陳夫琚未婚夫亡女焚粧自經死

雍正十一年

旌表

以上
烈女

宿遷縣

明

丁九妻李氏北仁鄉人夫早亡守志貞

鞠遺腹子成立洪武十五年旌表

王昉妻朱氏昉卒生子興僅月餘朱紡

成立後興以歲薦為冠縣丞

高暹 樊氏夫亡堅志守節撫遺腹子成

年旌表

姚鎰妻郭氏夫亡無子奉養舅姑守節終

羅紹恭妻南氏夫卒家極貧撫孤子金成立

氏末期金又亡遺腹生子撫之成人

徐州府志

卷二十三

列女

二十四

宿

徐點妻吳氏

生員許醇方妻王氏

以上二人俱早寡
無子守節數十年

馬講妻陳氏夫亡撫四歲子河圖成名事兄嫂如

姑終身蔬食

羅道妻徐氏夫歿撫幼子事孀姑以孝聞

生員司淳妻徐氏夫亡無子守節終身

蘄古妻羅氏夫亡子歿躬耕織苦節終身又同里朱

童妻潘氏高鵠妻陳氏俱以早寡完節聞

高科妻潘氏科早亡氏事姑孝撫諸子成立有司旌

其門

朱衮妻許氏夫亡撫孤守中受室亦 歿又撫其

與婦王氏以女紅自給有司旌其門

姚池妻朱氏早寡家貧撫遺孤以刺繡自給孀居七

十餘年隣里罕見其面

李驥妻蘇氏夫早歿躬耕撫孤苦節終身

蔡紹科妻沈氏夫亡養姑訓子布衣蔬食四十餘年

葉春暘妻程氏暘卒守志撫孤至九十而終

蔡名儒妻朱氏夫歿守節撫孤破產舉三喪事老姑

以孝聞

陸爾麻妻蔡氏夫歿撫孤養親守節終身

徐州府志

卷二十三

列女

二十五

宿

高薦妻朱氏夫亡截髮自誓訓子成立又同里施愼

妻司氏羅于閣妻劉氏蔡垣妻朱氏並早寡守節

撫孤歷數十年

徐之龍妻某氏夫亡伯叔利其產欲奪其志氏悉以

其家資與之以女紅自給教子爾珍成名

蕭士英妻張氏夫亡三子皆幼伯姒欲奪其志凌虐

備至終不移教諸子有法伯姒相繼歿無子祭葬

以禮里人賢之

龔儒妻王氏早寡家貧撫孤完節

以上節

王漢妻蔡氏正德中夫疫病歿氏赴水死

生員謝達妻朱氏夫亡自經正德十六年旌表

徐之驥妻朱氏夫亡自經

以上烈婦

何睦女許字管達為繼室達亡女慟哭焚奩具送葬

畢遂歸管氏奉養老姑撫前妻子守貞以終

貞女

劉鏊女年十八許字管平朱嫁而平歿女哀毀不食

欲往弔父母不許遂自縊與平合葬萬歷四年旌

表

烈女

陳氏女年十歲父為郡吏坐累繫獄母病篤女割股

作羹以進病尋愈有司聞之立釋其父下書旌之

孝女

徐州府志

卷二十三

列女

二十六

宿

本朝

陸奮鳴妻高氏夫亡善事病姑訓子讀書成名康熙

間 旌表

武舉周承熙妻蔡氏承熙明末從征陣亡氏無子且

貧孝事孀姑守節終身

曹氏邑諸生曹濂女適邳州陳獻琬夫亡其伯獻瑾

本無賴子欲奪其志不從遂強嫁之劫氏登車氏

奮身投車下大罵被箠至其家佯死忽躍起趨投

水遇邏卒救之管河同知蘇崑立治獻瑾罪給氏

牒守節終身

蔡鼎鐫妻陸氏夫病瘋朝夕扶持不離左右及歿家貧女紅自給課兒讀書連舉三喪以成夫志

臧氏候選學正臧由埶女庠生高鵠鳴妻幼穎慧喜誦古今書史通達道理年十八適高遽遭姑變夫以哀毀染疾氏割股以療不愈夫沒屢投繯未遂兄庠生雉鳴憫其孝節以子嗣之氏虔祭祀營喪葬爰姑叔睦姻族悉中禮節內外稱之無間言

生員陸奮揚妻戴氏 葉逢舜妻高氏

朱鼎壽妻王氏 龔世臣妻吳氏

汪應東妻陸氏 李敬越妻高氏

徐州府志

卷二十三

列女

二十七

宿

沈良屏妻張氏 蘇民巖妻沈氏

生員蔡可教妾朱氏媳毛氏

生員高應選繼妻錢氏 蔡起渭妻張氏

葉士偉妻吳氏 葉蔚起妻梁氏

周天祿妻李氏 以上十五人俱早寡撫孤守節終身

施澤妻徐氏孝事翁姑嘗夫火於烈焰中負姑出手臂皆焦夫亡苦節教子有成

生員陸奮勇妻朱氏性孝勤儉治家姑沒小叔小姑俱在襁褓氏鞠育成立爲夫置妾生子爰之如己

出

貢生陸奮翼妻于氏善事繼姑撫幼叔如子妾

生子愛如己出夫亡梁尚幼委曲護之亦得全

徐大器妻周氏事姑至孝姑病歲餘侍湯藥晝夜寒

暑不少懈姑亡哀毀骨立

陳琨妻朱氏姑病割股以進姑遂愈

莊和妻朱氏屠家女父榮因暴疾思兔肺羹不可

氏乃剖右肋取肺烹以進父遂愈

蔡鼎金妻艾氏嫁甫六月翁病醫藥不效氏割股

羹以進翁食之愈

生員臧熈妻蔡氏孝事舅姑夫病不愈割股以進

徐州府志

卷二十三

列女

二十八

宿

三次家素貧能竭力資隣族喪葬邑人賢之至今

猶傳教子由堦成名

職監蔡瑚妻程氏夫早亡矢志撫孤孝養舅姑守節

三十餘年雍正二年 旌表

朱紱妻程氏夫亡撫孤養姑守節三十餘年雍正二

年 旌表

生員蘇琅妻朱氏夫歿奉養舅姑教子長泳成名守

節六十一年乾隆四年 旌表

監生葉亦高妻李氏夫亡養姑教子守節三十餘年

乾隆四年 旌表

鄒麟趾妻臧氏安仁鄉人年二十夫亡無子哀毀不欲生姑泣慰之曰吾老矣子旣夭汝若殉死我身何所賴乃曲從姑命立志守節繼子以承宗祀晝耕夜績養姑鞠子歷艱苦四十一年乾隆五年請旌

徐炘妻許氏年十九于歸二載而寡遺孤甫八月苦志守節上事孀姑下撫幼子歷三十七年卒乾隆五年請旌以上節孝

施灝妻葉氏灝家居邑之晏窩順治五年榆賊突至執灝父索金擄掠氏哀懇願以身代賊欲執氏去

徐州府志

卷二十三

列女

二十九

宿

給之曰翁有金藏井側因詣井上遂投井中大罵賊怒下巨石碎其首死翁得免越數日鄉人出尸於井顏色如生

張氏少許字陸雲家貧爲陸養媳未婚雲渡河溺死氏痛哭投河者數四皆以救免不食七日仍自縊死時年十八

陸鳴臯妻鮑氏事翁姑孝年十八鳴臯病卒氏絕粒九日未死強食少許家人疎於防遂自經死

陸爾睿妻張氏爾睿卒氏自經死

陳璋妻朱氏夫亡自經死

武舉馬延超妾鍾氏延超病氏刲股嘗糞以祈

及卒誓以身殉殮畢卽縊死

朱起妻龔氏起卒家貧無棺氏號哭乞於里人既殮

自經死

彭萬壽妻杭氏貧家婦也年十七歸彭事病姑孝

日夫外出隣惡少李二夜潛入其室氏 二

去氏曰賊入內室雖未受污何面目見人遂自縊

死康熙九年 旌表

張星焯妻羅氏星焯以母喪哀毀成疾氏侍

載不懈及歿殮夫畢自縊死康熙十年 旌表

徐州府志

卷二十三

列女

三十

宿

蔡珂妻陳氏夫病刲股和藥以進及卒自經死

周玉妻沙氏河兵何凱窺氏少艾乘玉早出 徃逼

姦氏不從凱取繩縛氏值玉歸逸去氏憤自縊死

雍正五年有司上其事凱伏辜氏 旌表

黃得高妻曹氏婚甫逾月得高赴溧陽貿易病歿氏

聞訃誓以身殉因夫骨未歸忍死以待及

畢卽自縊死雍正九年 旌表

張家璿妻朱氏璿以力學積勞成疾氏侍湯藥四年

夫亡自縊柩旁乾隆三年請 旌

以上烈婦

王氏女順德鄉人許字馬大達大達以弱疾死女

訃遂自縊康熙十八年 旌表

王氏女許字馬京龍夫亡自縊康熙中 旌表

高暉女許字生員臧高飛未婚夫亡自經死邑人嘉

其節烈建高貞女祠祀之雍正十年 旌表

張悅女名娟姐宿遷人許字桃源胡靜靜病亡女年

十八聞訃號泣二日夜即自經乾隆四年請 旌

李氏女監生李桐女幼許蔡紹未嫁而紹歿女哀毀

不食乘間自經乾隆六年請 旌 以上烈女

張氏女邑人許字虹縣民金長發未婚長發死守貞

終身 貞女

徐州府志

卷二十三

列女

三十一

宿

睢寧縣

明

周仲仁妻許氏年二十二夫亡撫二孤成立孀居四

十九年洪武初旌表

朱一忠妻劉氏年二十夫亡無子守節至八十五歲

卒有司表其門

鮑奎妻胡氏夫亡無子與妾趙氏共守節終身

胡麒生妻王氏年二十一夫歿截髮剔目自誓姑病

割股至再

生員朱正吉妻孫氏夫早歿家貧事養翁姑資女紅

給食間拾橡栗佐之翁姑繼歿遭大水廬舍漂沒
氏蓬居守柩教子陽孫大觀皆成名守節四十餘
年

鮑佑妻高氏年二十夫亡養姑撫遺腹子子又早亡
苦節終身

徐五教妻胡氏年二十夫亡止生二女姑令改適氏
泣曰姑不幸無子兒不幸無夫何忍他適以女招
壻壻亦早亡同女守節終身

朱印妻李氏夫亡家貧無子以針紉養姑姑歿獨與
婢川芎守節以老

徐州府志

卷二十三

列女

三十一

睢

王庸止妻鮑氏夫歿女紅自給教子讀書入學子又
早亡子身獨守年八十餘以苦節終

侯寧妻楊氏夫亡生子甫兩月姑欲奪其志不從守
節五十餘年

朱詔妻武氏早寡家貧無子苦節四十餘年

楊思讓妻李氏夫歿撫二子成立蔬食終身無疾而
逝

張道充妻莊氏年十九于歸事翁姑孝道充早歿守
節教子民極拔貢成名

袁應母龔氏夫早亡遺腹生應撫之成立應亦以孝

著詔旌其閭以上節婦

經歷陳思孔妻葛氏事舅姑孝孀居守節教子成名
崇禎九年流寇犯境被執罵賊而死

魏文徵妻周氏夫亡自縊事聞旌表

邱園拔妻王氏未字時祖母年老不能自飲食氏哺
之數年人稱孝女既嫁遭袁寇亂拔身被十七創
氏親爲洗滌調藥餌襟帶不解者年餘拔亡悲號
逾月淚血俱竭而死

生員周鳳集妻耿氏夫久病侍湯藥不懈及卒視殮
畢盡散家貲與諸昆弟自經死以上烈婦

徐州府志

卷二十三

列女

三十三

睢

州判徐儀女名雪梅年十四正德六年流賊破睢寧
執女欲犯之女大罵手擊賊面賊怒殺之事聞旌
表

嚴清女名銳兒流賊破城八其家女匿穴中搜出令
行酒不從見殺事聞旌表

陳氏女名純姐年十七許字張梧鳳未嫁夫亡女聞

訃自經死以上烈女

本朝

生員李滋妻房氏年十九滋卒生子杰甫三月養姑
以孝撫子成名守節四十餘年康熙二十六年

旌表

監生劉毓瑞妻仝氏夫亡苦節教子大受成名年八十七卒守節六十三年

生員魏振吉妻劉氏夫亡撫孤成立守節六十餘年生員傅貞默妻魏氏夫亡子夭苦節四十年

監生王登瀛妻陳氏夫亡善事翁姑教子有法

監生邱園進妻湯氏夫歿奉姑甚謹朝夕不離左右教二子甚嚴守節三十七年雍正十一年 旌表

邱園枚妻張氏夫病侍疾年餘不懈及歿守節撫孤事翁姑養葬皆竭力夫兄嫂早逝並撫其孤成立

徐州府志

卷二十三

列女

三十四

睢

雍正十二年 旌表

王世臣妻夏氏夫亡絕食幾死姑鄭勸而止撫育二子成立事孀姑三十餘年甚孝雍正十二年 旌表

卓建妻王氏夫亡姑繼歿翁老病事皆竭力教子睿有成睿早逝又與媳共撫孤孫雍正十二年

旌表

謝超妻邱氏超病氏禱天願代及歿養翁姑撫遺孤足不履外庭六十餘年翁姑歿後以夫早逝未執親喪代夫素服終身雍正十三年 旌表

生員邱雲鼎妻劉氏夫早歿撫遺腹子凱娶陳氏生子凱復亡與媳共撫孤孫苦節終身乾隆二年旌表

邱岫妻朱氏夫亡守節課諸子成名乾隆二年旌表

鄭紹恩妻靳氏夫歿守節撫孤奉翁姑養葬如禮夫幼弟紹經年僅六齡教育成立同居無間言乾隆四年旌表

楊文進妻魏氏夫歿家貧以女紅自給教子讀書成業乾隆四年旌表

徐州府志

卷二十三

列女

三十五

睢

胡璿妻郭氏少讀書事父母孝年二十五夫歿子幼無依迎母張氏同居以禮法自持外人罕見其面每正旦族長率衆拜於門外而去不輕入也晚有孫五人力不能延師皆自課其書守節五十八年乾隆四年旌表

仝淇洙妻王氏夫亡家貧躬紡績事姑訓子皆有法度夫從兄早逝教育其孤娣朱氏少寡常保護之乾隆四年旌表

李瓚妻仝氏年十八于歸孝事翁姑夫病歿遺孤五歲偶生痞醫言難治翁謂姑曰此子若不幸而死

吾與汝何賴氏聞之曰此疑予守節之不堅也遂斷其左手無名指以自誓孤亦尋愈自是養親教子守節終身乾隆四年 旌表

生員仝之敬妻王氏夫亡事翁姑教孤子守志數十年乾隆五年 旌表

邱夢鰲妻王氏順治十年膠寇破城夢鰲以守城遇害氏年十九生子甫七月誓守節撫孤於夫柩前刺血以告事孀姑甚孝教子園邁成名乾隆五年 旌表

趙廷璵妻余氏夫亡養翁姑教子和於妯娌族黨賢

徐州府志

卷二十三

列女

三十六

睢

之乾隆五年 旌表

陳霞妻呂氏年十八夫亡姑早歿翁年未六十勸翁繼娶以免嫌疑奉養甚謹乾隆五年 旌表

呂永秀妻胡氏早寡守節五十八年乾隆五年 旌表

吳應昌妻孫氏性溫和夫亡家貧歲凶剪髮易米以養姑教子成立節孝兼著乾隆五年 旌表

生員王雲上妻衡氏

王榮祚妻陳氏

生員王雲超妻高氏

以上三人俱早寡守節乾隆六年請旌

邱雲觀妻朱氏貢生朱之珏女雲觀少孤依叔母張氏以長朱事張如姑夫久病日夕顙天願以身代年二十六夫歿哀毀不欲生張諭以撫孤大義始歛哀營喪事家貧延師課子紡織以供守節三十

二年
以上節婦

生員王所相妻周氏龍南知縣周繩武女也順治十年膠寇陷城執氏欲污之氏大罵曰吾名家女豈從賊乎奪賊刀自刎賊怒亂斫之至死罵不絕口朱錦妻楊氏膠寇破城錦倉皇謂氏曰賊至矣宜毀容垢面以自匿氏曰此身當不令賊見毀容垢面

徐州府志

卷二十三

列女

三十七

睢

何爲者遂與其小姑春姐攜手同投泮池死

朱鍾妻汪氏膠寇至義不受辱投泮池水

仝翹妻張氏膠寇破城翹與氏扶祖母邱迷路遇將殺邱夫婦環抱跪泣賊怒殺邱及翹氏號

水死

仝鉤妻沙氏膠寇破城鉤拒守戰死氏從公姑於鄉歸治葬具畢自縊死遺一子方匝月

撫之成立

傅麟生妻張氏年二十一夫亡殮畢自經之復甦水漿不入口翁姑泣勸乃口

死

胡氏貢生胡致中女名官人字于朝能
年十六適王夫亡氏閉戶自經姑憇解百計防之
每朔望草小札命婢持焚夫墓祈死未幾歸寧忽
心痛父母強以藥揮置之作矢別集趨歸夫室遂
以是疾終

劉喬雲妻馮氏山東嘉祥舉人馮天祿女年十六嫁
睢寧劉氏未三載夫病風癲氏侍湯藥蓬首垢面
七載不倦及卒殮畢自經

劉師雲妻陳氏夫亡氏嘔血死

徐州府志

卷二十三

列女

三十八

睢

武師章妻李氏夫亡翁姑以氏年少恐難守將嫁之
氏浣濯舊衣哭辭夫墓拜別翁姑自經死

生員彭修齡妻趙氏事公姑孝夫病祝天願以身
及疾亟訣以死從公姑及家衆百計勸止氏曰
無子可守義不可以苟活絕粒五日死

郭忻妻凌氏歸郭一載事孀姑盡孝夫亡自經
葛超妻彭氏年二十七生一女夫病篤氏與訣曰
必從君於地下及卒家人防之甚密氏以好
慰乘間自死

舟溺死

康熙中 旌表

彭麟妻邱氏夫亡遺

曰吾義當死但

此子在然有癖疾

亡越七日 殤

氏自經死

張 勲妻胡氏年二十

載夫亡氏誓以身

殉以太姑篤老年依

年及太姑歿氏

喪葬畢乃歸寧周

不露悽愴色旋返

夫家自經死

王翰修妻王氏年十九

及五月翰修病卒即

自盡

徐州府志

卷二十三

列女

三十九

睢

薛杏妻張氏宿

女子歸時杏已邁疾

氏奉湯藥三年

喪葬畢飲毒垂斃以救

蘇至中元日從容

家人意其無他防少懈逮

夜閉戶自經

烈以上

胡氏女胡維綱妹

成

年十七未適人膠寇陷城

女身被數刃投泮池死維綱亦迎戰死

趙璧女許字

張景緒

病亡女年十六聞訃

自經死與

葬

劉氏女 陳

家子幼

二為養媳未婚一日

往田

惡少

氏少艾四顧無人

前逼姦女大呼堅拒取削草刀斫傷永手永奪
殺女而逃夫家鳴於官捕永實於法女建坊 旌
表

陸氏女本縣陸忠女許字清河周麟未嫁父病疫甚
篤女晨夕不離母恐染戒以勿近女曰恨不能代
耳何慮染爲父歿將葬適聞夫訃乃撫父棺號泣

夜投繯死

以上
烈女

補遺

沛縣

監生王畧妻鄭氏年十七適畧十二載夫亡守節歷

四十年乾隆六年請 旌

卓開祿妻丁氏千秋鄉人年二十六而寡守節歷三

十六年乾隆六年請 旌

張文林妻曹氏早寡守節乾隆六年請 旌

徐州府志

卷二十三

列女

四十一

睢

徐州府志卷之二十三全